

40 godina od izgradnje pruge Šamac-Sarajevo, poruka za budućnost

Autor Administrator
Thursday, 29 March 2018
Zadnja Promjena Thursday, 29 March 2018

Program obilježavanja 40. godišnjice od izgradnje drugog kolosijeka pruge Šamac – Sarajevo obuhvata niz aktivnosti koje počinju već 1. aprila, na Dan omladinskih radnih akcija. Organizacioni odbor za obilježavanje 40 godina od izgradnje drugog kolosijeka pruge Šamac – Sarajevo obavijestio je javnost o planu aktivnosti.

Za nekoliko dana će 1. april, datum kojeg smo u bivšoj zajedničkoj državi, Jugoslaviji, obilježavali kad Dan omladinskih radnih akcija. Zapravo, odmah poslije drugog svjetskog rata, omladina iz svih krajeva Jugoslavije je svojim dobrovoljnim omladinskim radom, učestvovala na obnovi poružene zemlje, izgradnji novih puteva, kola, tvornica i stvaranju boljih, savremenijih uslova za svoje radno i stvaralačko angažovanje. Prva velika omladinska radna akcija bila je tokom sedam toplih mjeseci 1946. godine, kada je 62.268 omladinaca, radilo na izgradnji 90 kilometara pruge Brčko – Banovići. Godinu dana kasnije, slijedila je izgradnja pruge Šamac – Sarajevo, prava socijalistička epopeja. Tada je vojska od 217.234 omladinca i omladinki izgradilo je 242 kilometra pruge. Željezničku prugu Bosanski Šamac – Sarajevo u pogon je pustio lično Josip Broz Tito, svojim govorom na otvaranju Nove željezničke stanice u Sarajevu, 1948. godine. Pruga je građena pod parolom "Mi gradimo prugu – pruga gradi nas", "Šamac – Sarajevo, to je naša meta, izgraditi prugu još ovoga ljeta", a omladina je radila vrlo primitivnim alatima, najčešće lopatama, krampovima, tzv. japanerima... Izgradnja drugog kolosijeka pruge Šamac – Sarajevo, dionica Doboj – Zenica, počela u proljeće 1978. godine, a završena sedam mjeseci kasnije. Mladici i djevojke nekadašnje Jugoslavije su dali svoj doprinos, ali najteže poslove je obavljala profesionalna građevinska operativa. Potom su slijedile brojne druge omladinske radne akcije širom Jugoslavije na kojima su hiljade, desetina hiljada mladića i djevojaka iz cijele zemlje godinama gradili puteve, pruge, mostove, javne zgrade, nasipe... Kako se ove godine navršava 40. godina od izgradnje drugog kolosijeka pruge Šamac – Sarajevo, mi, bivšaci akcijaši, omladinci, učesnici te akcije, oformili smo Odbor za obilježavanje četiri decenije od izgradnje pruge. Brojnim prigodnim akcijama i manifestacijama na pruži od Sarajeva do Šamca, posebno dionici Zenica – Doboj obilježavamo ovaj značajni jubilej. Tim povodom, pozivamo sve omladince, akcijašima, bivšima i sadašnjima, da budu organizatori jednodnevnih ili višednevnih akcija i sređivanja u svojim sredinama, na kojima, uz, evociranje usponema na dobrovoljni omladinski rad neposredno poslije drugog svjetskog rata, treba podsjetiti na značaj dobrovoljnog omladinskog rada u izgradnji poružene zemlje i značaju okupljanja omladine na dobrovoljnim radnim akcijama u cilju međusobnog zbližavanja, drugovanja, jačanja bratstva i jedinstva i zajedništva u teškim poslijeratnim godinama obnove i izgradnje zemlje... Zapravo, omladinske radne akcije su bile predivna mjesta druženja i nezaboravnih susreta mladih iz cijele zemlje i svijeta, a dobrovoljni rad je valoriziran udarnim značkama i drugim priznanjima, te nagradnim odmorima u ferijalnim, izviđačkim, goranskim i drugim omladinskim ljetovalnicama na moru i na planinama. Zsigurno, omladinske radne akcije su, među jugoslavenskim društvenim fenomenima, najjugoslavenskiji fenomen. Zato, podsjećajući na taj fenomen, na ljepotu druženja mladih, na njihovo angažovanje u izgradnji poružene zemlje, na stvaralaštvo, na entuzijazam koji je krasio mladu generaciju na obnovi svih društvenih vrijednosti, pozivamo mlade i sve druge građane u svim sredinama – u mjesnim zajednicama, općinama, kantonima, entitetima, državi BiH da 1. aprila svojim dobrovoljnim radom i entuzijazmom očistimo svoja dvorišta, tvornice, škole, radne i druge ustanove, da se međusobno družimo kroz rad, upoznavanje, stvaralaštvo, te da vlastitim volonterizmom doprinesemo da naša radna, životna i svaka druga sredina bude ugodnije mjesto rada, življenja, drugovanja, stvaralaštva... Učimo to da nam cijela BiH na Dan omladinskih radnih akcija, 1. april, bude jedna velika radionica, veliko polje rada, stvaralaštva, drugovanja... Bogić Bogićević, s.r., Predsjednik Odbora za obilježavanje 40 godina od izgradnje II kolosijeka pruge Šamac – Sarajevo Nijaz Skenderagić, s.r., Predsjednik Organizacionog odbora za obilježavanje 40 godina od izgradnje II kolosijeka pruge Šamac – Sarajevo

#JosipBrozTito #Jugoslavija #Yugoslavia #SFRJ